

壺園詩外集

壺園詩外集卷五

贈吳蘭雪二丈

有序

先生以詩名海內三十餘年至朝鮮詩弟子繪
梅龕詩佛圖流傳中國可謂盛矣兩辱題稿有
一第早收名士淚十年冥造古人心之句闕然
久未報讀再生集輒成長句一章奉贈

亦仙亦佛亦風流蓋世才名隘九州天許再生詩有福
官難一第鬢先秋每逢高論移時久敢負冥心造境幽
笑指梅龕向東海此花也合幾生修

卽事

亭亭落日驅歸鳥，曲曲長河抱岸斜。
衰草垂楊官驛路，荒籬敗屋野人家。
秋風千里思莼菜，佳節重陽負菊花。
不盡蒼茫身世感，更禁霜月動哀笳。

寄懷金伯英同年

光杰

黃金臺倚夕陽邊，國士誰知郭隗賢。
處世安能事一室，不飛奚止過三年。
婦甘挽鹿何妨隱，官及娛親始是仙。
投壁與君盟白水，潞河回首黯雲天。

寄懷劉英仲

元恩

芙蓉開晚莫傷遲，鷺掖高陰有舊枝。
漫執公儀趨孟博，敢將兄禮事袁絲。
湖山千里供愁眼，星渚三秋繫夢思。

北海平原近何似好隨蘭簿寄新詩

出都時與君暨李東原陸立夫有車

笠之約

過雁

月滿霜天雁影微玉關底事遠相違
蓼汀蘆岸容棲宿莫向稻梁多處飛

寄懷彭荆田太守兄

那峻

蓄鏡無蓄影古琴多古音古音縱不調猶得寄古心
與君始相見城南契苔岑七年龍水郡再見瀟湘潯
三見復燕市和鳴德悄悄一見顏一童一別聲一瘖矧我邁
鞠凶修途百憂侵肝摧比目鱗魂泣返哺禽遺榮豈伊

昔茹苦方自今時命遭角張親朋濶商參念君鬢絲改
一白不得黔歸無擔石儲濯漑嗟空鷲何時領大郡周
原歌載駸諒君中弗熱不贅何由鍼我幸逃飢寒隴上
行謳吟種秫慕彭澤抱甕師漢陰我歌清風來我居白
雲深腰組卽未解遑問升與沈興言跂予美翠濤難獨
斟一彈流水曲泠泠證淵襟

過任城

平原千里絕幽探寂似孤僧坐一龕今日滿船山翠重
輕帆載過任城南

求仙

夫婦劉綱總列仙
淮王雞犬亦昇天
無端弱水浮蓬島
何處神山訪橘泉
城郭蒼涼千歲鶴
烟波浩蕩五湖船
何曾婚嫁真相累
誰向丹臺問夙緣

一笑

一笑功名鬢未秋
買山先自築菟裘
敢忘門第傳三戟
不羨公侯事五樓
尾脩如雞生易斷
骨真爲駿死還酬
人間原有安心法
何必還丹訪紫邱

寒衾

寒衾瑟瑟夜悠悠
不眠鱗魚淚暗流
鏡裏年華霜雪改
枕邊笑語夢魂留
生將玉骨埋黃土
忍憶琴心矢白頭

聞說匏瓜常獨處可真天上是無愁

悼亡十首傷陶宜人作也

繡衣文葆巧安拚吉日親提付翦裁豈意石磨天上種
翻教送母向泉臺

半榻依然覆布衾傷心玉骨已如水誤他雛女牀前立

幾度呼孃不見幮

幼女安方五歲

河魚腹疾困纏綿靈藥難尋海上仙二十年來春夢短
忍將離恨訴哀絃

一年一別抵秋鴻帽影鞭絲逐轉蓬累得深閨人不寐

客星望斷月明中

余授室後兩試南省三試北闈再試禮部中間復從師外出居家時恒少

宜人每對月忘寢
曰對月如對君也

苦說長安不易居
青山有約賦歸與
而今縱向松門隱
更與何人挽鹿車

竹西盼斷大雷書
噩夢潛驚好夢虛
同氣可憐三日盡

黃泉相見也
歛歔

內兄觀之卒於揚赴至未敢告也越三日而宜人卒

攜將子女返章江
秋雨秋風夢不雙
爲問香魂渺何處
一燈如粟對篷窗

蘇州纔過又杭州
處處湖山處處愁
也算與君酬夙約

可堪魂魄暫來遊

他日官成相約借游虎邱西湖諸勝今取道於此宜人志也

掇蜂伯子痛無辜
泣鯉王祥凍裂膚
縱有鸞膠弦易續

忍教親覩黑心符

湖邊營奠復營齋但祝生天願不乖可識鯁魚心獨苦
不堪重檢舊鸞釵

江山船謠

儂家生長湖山曲烟波爲宅船爲屋但愁生女不如花
爭得蛾眉鬥江綠家家占籍古須江柱檝蘭橈碧鎖窗
巧蹙金蟬排乙乙斜簪玉鳳顛雙臨風嬌坐飄羅綺
照得天涯浪遊子卻將姊妹喚同年謬託針絲結連理
一宿嚴陵瀨信宿桐君山但恐道路盡不畏風波艱風
波日日如山惡贏得纏頭恣歡誰銀箭金壺忘夜闌瓊

柱檀槽相間作碧山高高綠水長溫柔偏在白雲鄉江
郎山畔朝開鏡須女泉邊夜洗妝雛娃短髮初覆額新
聲亦按紅牙拍惟將春夢戀羈魂那管香閨怨行客我
乘江山船爲作江山謠砉然長嘯石壇下巖上星辰不
可招

與汪大寫阮士佩

別八年矣丁亥南旋邂逅京口

舟次出孟易齋詩稿見示爲題卷端

古人一藝成垂名動不朽鄭刀宋之削千載挂人口詩
乃紹風雅敢以輕心取妖麗乖中和纖佻失溫厚假形
同植麟陳言類芻狗精鏐頑礦揀大璞介圭剖強如甲

等七堅比墨拒九此義心了然每斷輒傷手汪遵我故人
環寶秘已久邂逅逢丹陽高譚驚戶牖篋倒琳琅篇
猶云亭敞帝朝來方渡江銀濤海門走金焦砥中流雄
竒浴星斗其外絢丹碧其中蓄幽叻孤根絕依傍下乃
神靈藪此境費追摹才孱空掣肘豈知展君卷恍與靈
境偶如君著作才允宜立朝右緣何彭澤陶僅易屯田
柳邇復驅閩嶠不得安隴畝我亦天涯人朱顏變空屋
瞻烏迷雌雄相馬失牝牡空抱詭符方寸雜苗莠如
工不居肆些窳職誰咎高文實起予宣城足低首

雪中渡錢塘江達富春

八月潞河出西風黯客魂今朝富春道飛雪滿江村沙
凍潮聲縮雲重海氣昏飄零天地內身世不堪論

風雪阻舟弋陽書感

行役六千里愁心天地長陰陽催短序風雪滯遐方骨
月已多故園廬猶未荒近家翻涕淚蕙帳掩餘芳

安仁道中雪

曼曼疑晝暝四望雪霑衣古渡人無跡空山鳥不飛帆
檣遠天隱烟樹隔村微莫笑茆檐陋園爐正掩扉

題俞五儼耕烟鉏月圖

有序

生香綺歲富於吟詠乃其配徐亦才女也比肩

陸氏中道忽焉爰託斯圖以志神傷

烟愁月暝埋香魄殯宮寒食新燐碧冢中之人不可呼
圖中之人淚還滴瑤英逕返芙蓉城君胡不如石與丁
瓊宮有路夢不到卻將幻影摹丹青丹青雖駮心不改
銜石何時塞東海呼龍耕烟未可期鉏月種煤空恨在
夢中炊曰我亦悲潞河挂席肝腸摧瓶鶯悟徹楞嚴諦
衲裝不著天花飛昨夜鳴禽變園柳白雪蕙霞炤窗牖
春花如海春風顛枝上提壺勸人酒願君裁悲莫霑巾
百年逆旅誰主賓空華作障纏根塵世外烟霞亦笑人

饒州道中觀挿禾

茸茸鋤水三寸長林深布穀催插秧赤日行空背偃僂
塗泥沒踝汗出漿武昌秧馬齊雀躍楸桐爲背橐榆腹
胡爲工僮不借巧但見頸俛尻高似啄鶴疏排密綴
若有情農夫養禾如養嬰一人力作一家瞻官征踰額
餘難贏日出我行役日入農未休安得變磽确腴腴皆
良疇噫嘻我不能耕耕以筆坐食蘭臺玷清秩讀書致
君果奚術願陳唐風譜蟋蟀

山行

萬綠四圍合崎嶇盡日行山空雲入定春過鳥無聲齊
物蒙莊論中年謝傅情奚如負耒者臺笠事深耕

婺源道中雨

一夜萬山雨飛流百道泉溪聲喧十里荒驛不成眠曉
露衝雲磴晨炊滅爨烟秧歌聽綠埜所喜桔槔縣

寓懷

與世百無競油然絕畛畦養生尋石髓愛客醉金稗詩
笑懷周鼠名慙伏越雞壺園有桂樹不羨小山樓

山行卽事

雲磴高盤尺五天行勝遙在白雲邊斜風細雨鄞山路
開遍一溪紅杜鵑

過浙嶺

迴朝入山徑雨脚如縣繩茲嶺何峒堯勢欲干青冥盤
盤磴路折曲曲枕梯升白龍忽天矯注澗如飛騰森然
鱗甲動殷地鞠雷霆少憇更賈勇布絕縣復登長嘯答
鸞鳳單椒聳孤亭山頂一亭翼然曰同春颯然仙風來鏘鏘韻流
鈴徑恐生羽翼一握鵝天庭還顧左右列天田間茶星
長松一千丈俯視如鬚髻井邑不可辨空中白雲蒸蠟
蝨謝塵世笙鶴遁仙靈似聞雲中語玉節帝許徵綬山
桃始華一謫三千齡揮手下山去嗒焉喪真形

自新安之楚道中度諸嶺

誰鑿千重險古今傷客心直疑通鳥道不待聽蟪吟寸

地爭山隙尋崖隔樹陰碧蘿吾有夢幽興寄登臨

郊外感眺

今古消沈貉一邱玉關人競說封侯白楊千樹墳三尺
荒草無人禁牧牛

甚雨次重陽山水驟至如奔馬疾馳高陸免焉聊

感述

似挾黃河水高從天上來平林汨虛落夾澗門霆雷竄
任梁鴻滅牆虞石勒排生平嘗險阻行役更心摧

喜雨酬宋梅生丈

鳴琦

赤雲如火朱鳥翔老蚌渴死淵魚藏燔金鑠石汗流雨

令我不樂居南方連車輦冰高過屋此時痛飲追河朔
子恒苦憶南皮遊百里匡山夢魂逐連朝頻與丈人約
逸興已飛嵐翠閣天公忽欲催新詩故遣羣龍洗煩溼
丈人新詩如貫珠清風四座來徐徐桃笙八尺得甘卧
小園不異壺公壺三日祈祈屏翳雨排日酒鎗迎大戶
却憶西疇穉種紅不願鷓鴣野庭舞

聞新蟬有感

綠樹西鄰借蔭圓高枝纔夏一聲蟬前身底事空留恨
遺蛻無端忽證仙微雨客來山館裏夕陽人倚畫樓邊
却嗟元鬢今何在腸斷泠泠錦瑟絃

題江修原六丈

紹汾瑞芝圖

我聞靈芝之品四十一服之壽可期彭錢先生山中乃
有此草根五色相新鮮兩株如燕復如蝠風來作勢疑
翩翩函除苔蘚植旣旒如拔寒峻登雲天先生繪圖託
深意我讀斯畫情流連芝乎爾何不生祥符年太史紀
瑞書金編猶幸生傍鱸堂前知其爲瑞羅几筵不然棄
置窮谷間縱幸遇樵牧未免埋榛菅乃知人生窮達自
有命得者歛豫失者憂怒徒淺淺先生八十猶華顛手
不扶杖神道然耆儒百歲旌青氈泥書行望
朝廷
宣芝乎爾時五光十色更璀璨先生行地真神仙

題僧沛霖行脚圖

摩詰無言掩室時更乘五衍欲安之
金沙河畔尋雙樹誰識人間白脚師

題黃二芳谷

王棠

黃鶴延秋卷子

騎鶴仙人反瑤闕城上高樓瞰突兀
長江萬里不盡流一笛梅花落如雪
秋高霜前白雁來驅逐大暑炎雲開
登斯樓也縱長嘯誰敵江夏黃香才
今年夏五月我欲遊湘濱新聲歌激楚
一弔湘纍魂豈知平地成澤國淫雨作厲
迴雙輪秋風嫋嫋九疑纈纈淚竹晝掩蒼梧雲
却從秋屏閣上睨秋碧蟹螺龜坼汗泥堵連翩鴉尾翻水

車坐嘆良苗荒草宅是時羨君登岑樓左拍洪崖右浮
邱長吟鳳凰山俯弔鸚鵡洲單衣白袷仙人流貰酒不
惜千金裘我方執轡檀山去舊夢淒淒漢陽樹敢乞樓
頭崔顥詩燈前更續歐陽賦

答彭十荆田

邦峻

敢說知幾早憐君心事違一官燕粵滯兩鬢雪霜非泉
信出山濁雲期行雨歸成連有遺操相與證琴徽

別壺園

日余落斯園作噩月維窈啟啟舉家色粵歸方自邗修
軫素商駕沆蕩碧天問故園一迴睇中夜夢魂憬丁年

負殷憂洪濤泛寸梗南山隱深霧寬閒得幽屏補我中
庭桂培我前榮杏我架絡朱簾我池文翠荇平原閒草
木撻剔各持整如何未黔突復此驪駒騁綽約拒霜華
十色朝霞靚似祖遠行客淩波鬥嬌影古人重出處如
水別暖冷不薄萬乘相要懼一端管夫豈爲身榮將使
蒼生幸高名盜由光耻與脂韋併功成炎頊退貪棧亦
所警息壤志斯言無爲怒疊頽

道蕪湖喜重謁黃左田師卽志別二十二韻

至人蛻軒冕遠廬不三宿歸鴻未驚弦

公句歸飛鴻喜未驚弦

此

豈蝸鴟覺東都祖公行魂夢鳩江逐聞公腰脚健詩酒

恣歡菲舒州杓百觚輞川畫千軸齋移孫綽松徑蔣陶
潛菊婦孺知姓名江淮動草木不材櫟社樹顧豕匠石
斲大道壹成毀覃思罄純髦芻真牧羊受卵試越雞伏
達萌仁風仁振槁肅霜肅甘暑陽城考何損士元足積
玉倘弗沾滄浪行可濯悠悠辨六氣洋洋昶五曲龍蛇
信信屈奚待臧蔡卜笑梯如脂韋敢遺天民僂茲焉賊
觚稜藜火眷天祿言載元亭酒重聆後堂樂見公頤屢
解別公額頻蹙師恩何日報罔極均顧復願守履冰戒
瞻前跂孔卓明發雲樹遙依依赭山麓

酬左田師

鈴語顛風折樨牙鳩江江上艤浮槎人來綠野尋裴令
門對青山說謝家好是忘機棄軒冕漫從遺世傲烟霞
茲遊合負平生冠贏得新詩籠碧紗

贈葉桐卿明經

爲珪

擊筑歌燕市江黃有異人當關逢虎豹行地見麒麟
酒且爲樂筭飄未是貧乘槎問天漢相望斗牛津

喜顧菴塘翰自大梁至

燕臺三月雪壓裘乘車搖兀如行舟春寒中人類鈎吻
杏花一枝相對愁欵關忽覩故人面恍惚還疑夢中見
袖裏新詩添幾寸衣上洛塵無一點君詩絕代冰雪姿

逸韻更若調金絲，
邠生枚叟共傾倒。
想當授簡梁園時，
憶昔別君潞河去。
魂黯燕山萬雲樹，
孤篷坐展楞嚴經。
恨不清談聽揮麈，
今宵剪燭西窗幽。
蓬窠世事歎貉邱，
但求知已數晨夕。
肯與流俗相沈浮，
謬然天地一指耳。
蟋蟀各自私春秋，
與犁相視心莫逆。
萬事輪君能解脫，
若論結習君較深。
遲我生天坐詩癖。

送吳橘生同年

其泰

出守湖州

吳生鐵面眼有稜，
懍懍暑月懷寒冰。
手持白簡坐東掖，
百鳥膽落霜毛鷹。
與君締交終一星，
臭味孰辨淄與澠。
心憂天下跡江海，
斗間劍氣中宵橫。
蚊虻擾擾成外重，

黃金瓦注區昏明卽今朱旛攝尺柄飢溺何以援巢櫓
吳興自古山水窟峴亭顧渚天光澄莫倚三樓縱吟嘯
要使七屬蘇黎蒸國僑火烈民畏死此豈慘暴如秦刑
劉寬蒲鞭典厯郡此豈煦煦徒爲名申韓黃老各異術
通人酌劑同縣衡春風三月滿帝城瀛洲草綠苑柳
青與君不隔一牛鳴合絃時奏琵琶箏餞君蒲萄情不
勝邇來故人如散萍沈冥師曠無宦情聽歌未濯滄浪
櫻春波茗雪清復清夢墮千里牽莼羹倘寄剡溪三百
藤新聲角徵吾其能慎勿落落寒詩盟

贈潘紱庭公子

曾綬

卽題其蘭闥倡和圖

朗朗潘正叔照人冰玉清作賦吐白鳳哦詩掣長鯨璇
閨得嘉儷合奏雙鸞笙甲帳迓文簫藍橋聘雲英女丁
粲六妍神仙古多情關雎房中曲風雅有正聲綺語埽
側豔冲雅鏗韶韻與君締交始願尋歲寒盟在御琴瑟
好交警歌雞鳴

辟疆古園歌

有序

辟疆園在梁溪之西關爲顧修遠先生宸之別
業先生崇禎己卯孝廉與同里唐采臣錢湘靈
諸先生結社稱聽社十七子喜藏書富埒虞山
錢氏絳雲樓鼎章後不樂仕進先生六世孫孝

蕭蘭塘作辟疆古園圖蓋二百餘年來園之荒
圯久矣而余家先司寇遂園不三傳與傳是樓
者皆成瓦礫傳之子孫者僅存康熙甲戌耆英
修襖橫卷讀蕭塘是圖均有不勝故園喬木之

感者矣

長康家貧無一椽十載藏身萬人海袖中示我新畫本
中有先人做廬在九龍峯高翠入雲名園草木酣青春
參軍愛客主壇坫二泉觴詠如龍津擁書不殊南面王
洗耳甘作繇東隣眼看銅駝卧荆棘小園蘭成空愴神
百年劫火紅羊換竹瘦杉枯瑛甃斷遺老猶傳顏闔家

行人誰識陳陶觀，吾家遂園傍玉峰。襖飲遠續蘭亭蹤，
王斯會者尙書公。鴻臚作圖寫貌，工圖中一一鬚眉雄。
先司冠健庵公遂園修襖圖會者爲尤，
悔菴盛符升錢湘靈秦對巖諸老輩。呼嗟乎衛公平，
泉成白地世閱空繩。隕散裔尙聞鉛淚瀉，金仙何況區
區故侯第。讀君甘州曲，令我心煩憂。名山君自垂千秋，
魚袋緋衣安用求。百不及君一事優，鴟足儻逐五湖去。
我已松門營菟裘。

種竹圖爲下三竹辰 土雲題

老可鮮畫竹，落筆風雨聲。何如種南窗，寒淥瀟湘生。我
生愛竹亦有癖，碧幹青筠要人植。怪君呵護如兒孫，君

以竹祖同生辰

君以五月十三生

一庭猗猗滿生翠幾枝低頭

尚扶醉就中恐有柯亭材試聽天風送鸞吹

題潘星齋

會瑩

蓮塘清暑圖

鑑湖昞昞烟曙玉井差差露酣抵似碧芳沾醉綠波夢到江南

斑簾十二波盪蛾黛三千珮玲一葉浮東海去有人定拜橫星

題潘紱庭

會紱

琴趣圖

有序

紱庭受指法於乃祖雲浦先生先生亡紱庭遂不忍復彈也而作斯圖以寄意

祖庭一曲授麟孫，剔櫟分明妙入神。
鳳翼龍唇無恙在，傷心傳指更何人。

誰將元亮無絃趣，傳出昭文不鼓心。
海上波濤江上月，泠泠萬古有遺音。

送張六亨甫際亮出都

張郎之筆可以回萬牛，張郎之才可以督八州。
衆人苦畏張郎湖海氣，豈知其人情性敦厚而溫柔。
示我婁光集，寒銜拂純鈞，藏身人海中，聲名動王侯。
蛟龍蟠泥弄牙角，空山夜泣陵陽玉，火雲如山洪液蒸。
送君却向天南行，羨君將母慰母情，淒淒敢作陽關聲。
杜臺脚郭元

禮眼中之人各千里

杜尺莊將歸越中郭羽可將歸章門

題君紈扇如團

月但願常盈莫常缺西風輸爾弄篋中一葉隨君度溟

碣

君以團扇扇書

己丑六月望後一日黃樹齋

餽滋

招益社同人爲

歐陽文忠黃文節二公作生日於十刹海觀荷
花分韻得十六葉

黃君好古人才思辯而捷一口汲西江先賢力追躡筮
日壽歐黃溪毛薦玉牒豈惟敬桑梓兼亦會韜韞因我
寓洪都招之同鼓篋斯文喪五代廬陵起衰荅豫章闢
宗派四海得航楫寶元康定間黨論破邪喋紹聖勢乃

成羣賢類中，魘徒蔡與貶，宜從容處謗，譎文章隱推軌。

節義長扶挾，其此荷花天，神來應妥怙，或疑二公生相。

距旬幾浹。

文忠以真宗景德四年六月二十一日生，文節以仁宗慶曆五年六月十二日生。

今忽

強合之神爽，何由媿於黃杯已殘於歐席，若躡縮鶴而

企息，此舉殊菴擯，顧我進一解，議祀欲專，輒當時眉山

翁文行光曄曄，實出二公間，師友情兩協，立朝不同時。

一人與交接，生申不同朝，一日爲兼攝，君其繼往軌，振

轡縱蹀躞，論文賞不孤，尙志氣何懾，如讀集古錄，金石

聚一笈，如披詩派圖，宗支無二牒，道合則神同，陟降宛

承睫，歐蘇與蘇黃，俎豆迄奕葉，一笑泛碧甯，清風謝茗

書

爲潘星齋

會登

題陸包山花塢幽禽圖

章門小圃幽復幽卷簾西山對高樓紅花翠竹相嫵媚
隔窗春禽時唱酬君家臨頤郊居好皮陸追吟灑蘭藻
若僭兄功甫弟級庭有臨頤郊居和皮陸韻詩秋風千里思蘊鱸洞庭支砌天
下無誰知烏帽黃塵裏却讀山人幽塢圖

題勞又峰孝廉

誠

藤窗懷舊圖

有序

又峰讀書徐天池先生故宅有藤一株天池手
植也歲壬辰寓都門之山會邑館館有古藤天
池家物不啻也撫今思昔感而爲圖乃爲賦之

櫻桃館圮青藤死幻出靈根作雲紫君後青藤三百年
讀書詠歌花底眠當時裙屐皆神仙眼中忽見妖魑舞
彷彿重經舊游處不知身在宣南坊一聲鄰笛感山陽
作圖懷舊神惋傷大夫之松丞相栢秦漢蒼茫幾興滅
癡人莫學李與牛歸仁嘉木平泉石君不見海王村漁
洋一去藤不春君不見海波寺竹垞老藤陰覆地大造
無心妙藏用集苑集枯均一夢人間無地無春風密葉
吹香今昔同俯仰一笑金尊空

題張鼎甫履

樂志圖卽送其南歸

我聞太湖之波三萬六千頃君乃結茅居其偏吞雲沃

日盪胸次眼底不見齊州烟生平有志苦未遂錦罽壓
架森瑤編上揖馬鄭下濶固網羅俊彥鈎其元北海金
尊縱譚讌湘東銀筆第後先小史十百輩絡繹飛藤箋
庭前拔地得古木屋後畫井規新田吁嗟乎君年四十
一第不得上荏苒華髮將盈顛廣文卑官格注擬盤無
苜蓿囊無錢杜陵廣廈豈易構曷若與古爲周旋出奴
入主紛聚訟一室尙懼投及鋌淵明讀書真解事置身
乃在羲皇前燕郊八月風折綿平沙古磧呼鷹天歸程
緩緩紅樹外離思渺渺黃雲邊少文卧游良亦足司馬
獨樂皆曰賢萼羹千里會命駕從君更訪吳門仙

家初雲秋窗夢雨圖

白晝羣動喧一兩山態靜秋燈引孤夢影墮白雪冷浮
生踐危機慮百同一警栖神入元漠外游庶可屏
暗堦滴炯炯秋心耿幽懷誰與訴商聲寄孤永

題馬小林先生

際泰

行看子

柴桑三徑少絃歌宦迹鴻泥十載過輪與先生賦歸隱
蘭亭修竹鏡湖河

極災曾說濁流渾雁戶磬磬野澤屯一卷新書當治譜

使君疑是鄭監門

先生著長生瑣記載在夏邑寧陵拯水火事足爲救荒之法

老幹靈椿不計年孫枝香占桂花先長鏡漫說歸來易

可有東坡陽羨田

先生鳩杖我親扶一室烟霞似隱居鄉里空傳乘下澤
幾人能憶少游書

雁燕篇訓譚二桐舫孝廉

祖同

春秋易時序雁燕相代飛寒燠抱殊性南朔無恒栖飛
鴻語巢燕涎涎不相見清霜墜潞河流響越淮甸巢燕
語飛鴻相思寄秋風秋風送羈夢直過五芙蓉湘竹啼
古斑湘江怨搖綠美人琴薜蘿愁思不可掬薜蘿垂嫋
嫋千里憂心悄差池予羽勞嘹唳子音渺孤蘆豈不屈
寥廓會可翔慎莫厭菰蘆低飛貪稻粱

題張詩舫同年祥河潘陽紀程詩後

屠維之秋 帝東巡六龍衙衙森鉤陳張衡隨扈縱詩
興草木腕底回陽春我昔披圖會臥游白山黑水照眼
新霞縐周斐樸俗舊軼漢豐沛周岐豳從來固國不在
險松杏戰骨飛碧燐澄海樓高壓城圍醫閭萬古青嶙
嶙惜我神游未目寓美君獨與烟霞親馬上哦詩妙如
畫神采不減荆關皴彥和雕龍五十篇君詩字字爭瓊
珣君紀程詩恰得五十篇却憶江南老尙書鴻章絡繹賡 楓宸
車營往轍嘒蟲鶴瓏玉數典光玢璘新詩倘附驛使去
梅花香徹于湖濱黃左田師有恭和 御製薩爾
詩紀事過錦州諸詩見奏御集

梁心芳同年

剪涵

以其世父湘亭丈失子詩索和

家冥揚子雲草元泣童烏鬱鬱春木萑慘慘靈苗枯湘
纍仰問天天遠不能對端笄召大靈鑽枯墮茫昧心傷
有戚貌神瘁無歡聲吟君斷腸曲一字千淚并腸斷不
可結淚盡空復滴浩劫來去今浮光瞥電石達人一生
死焉計彭與殤不見朝朱門蕭蕭暮北邙靜觀元化遷
形役曷無極幸逃向平累五嶽會可陟起舞爲君壽谷
神養千齡嘉穀殖寸田勿令生蝗螟

題譚五菊農

祖勳

且泊園卽送之官蜀中

佳乎吏也君家風蜀江一舸趨峽叩胡然作圖圖且泊

頭銜合署船司空朝來讀君述懷句風塵書劍嗟飄蓬
生平自負障川手此願竟逐江流東勸君莫悲歌聽我
揚清謳君不見豫州中流誓擊楫子陵大澤披羊裘龍
信蛇蟄會有命泥塗鬱蟠庸足羞悠悠浮塵子大言慕
宗慤但知鄂君青翰新波飛豈識白浪橫江瓦官屋一
朝渤澥犯胥種萬里收帆悔不速何如維舟西塞山涼
波瑟瑟蘆花灣君圖豈是樂高隱一官且喜閒鷗聞青
衣江白沙渡送君扁舟此中去安得與君酌酒傾郢筒
重訪嚴遵賣卜處

壺園詩外集卷六

送吳蘭雪丈

嵩梁

出刺黔西

東鄉詩翁吳季子卅載騷壇樹飛旂長孺平揖漢公卿
白傅聲名流海外少年青紫疑拾唾意氣軒軒出塵壒
無情白日春夢過鬢髮蕭騷忽如艾技能虛負家轉嗇
囊粟空勞覲天盾浮沈金馬直西掖老乞一州纔斗大
羣惜公儀格范滂誰鑒人倫追郭泰丹雘白犬先盟在
而我忘年辱縞帶千金屠龍願一割揚馬詞工世安賴
竊聞羅施闢莊躋控制滇南大方最又聞雨師性好黔
諺云風師好
滇雨師好黔
待挽潏瀛澤流兌城東曾舉白玉巖政暇

勝游煩品繪賓燕雜堦誇俊味比似江東斫鱸膾北風
獵獵吹霜旆曉月斜星送行軟莫將俗吏薄陳遵畫餅
虛名一時汰但慮生平游汗漫手版脚鞢苦鉗欽絃歌
會乞元亮資九里梅花歸可酌

先生有歸富春之志嘗繪九里梅花村舍圖於

京邸

題葉桐卿明經

爲珪

秋風匹馬圖

葉夫子爾才何跌宕爾氣何鬱邁蘭筋麴膝墮地長聲
價肯與王濟作鞅斐楷鞞落落燕市中下帷適我館朝
詩暮賦爭捷敏肝鬲相傾滅哇囁瞥然示我匹馬秋風
圖左手執箠腰懸弧黃沙漠漠萬里望不極但見大旂

落日孤城孤金笳雜刁斗邊馬鳴蕭蕭負羽賦從軍魂
斷咸陽橋男兒三十不得志翻悔生平識丁字一片毛
生棒檄心每對黃花淚潛制韓非孤憤會著書君乃裂
棄終軍繻三湘七澤屏南服有夢豈到狼居胥人知虎
頭燕領飛食肉豈識悲歌伏櫪擊碎千金壺葉夫子爾
莫哀與爾長嘯登燕臺侯王將相會有命時或未至皆
蒿萊卽今窮冬閉元律原筮蕭條寒入室酌酒可忘憂
哦詩足消日他時歸省鳳棲山看爾春風馬蹄疾

以張亨甫

際亮

詩名達座主黃左田師書來索亨

甫所著爰繕其近稿奉寄兼系以詩

夫子鑿人倫海內龍門峻凡鱗鯁畏曝掉尾不敢進豈
知忘高深白屋下寒峻津津甘說士如以木鐸徇八閩
有張衡天才拔雄駿登壇樹赤幟孰撼常山陣憶昔獲
新交投壺類中隼馳書報函丈敢以瑕匿瑾夾袋藏姓
名乃復荷枉訊謂當獻所造名迹庶幾印郵筒貢璆琳
窺豹一斑信惟師嗜真才遴選出矜慎家丞秋實采處
士虛聲擯方今公孫閣重門閉淵浚菰蒲豈無人延攬
懼招吝謝傅歸東山莫挽輒紅朝愛才關至性惻惻念
不憇聞聲千里外猶慮失一瞬安得公重來快令士氣
振

會賓谷前輩以賞雨茅屋集見示賦此奉酬兼求
爲先君子玉山閣集作序

但恨不名山何必皆五嶽但恨不大川何必皆四瀆君
不見廬山不入真形圖屏風石梁天下無蠡湖東流到
海一千里跨越三州納羣水豈知肝江先生筆一枝宮
亭相沃盥匡阜爭雄奇讀之口法舌繹不敢掉乃有奇
情至性沁入人肝脾而我摩娑淚如漉開卷先公絕筆
在二雛善視銘公言挂劍高風渺千載題襟館中初拜
公二月天地回春融更來長安王粲敦如以木鐸開羣
矇蒙於詩教疎回首益酸楚趨庭嗟未逮敢望列堂廡

公詩得大觀導我滇渺潏潏之蒲昌招我繪綾截薛之
元圃遺書三策鑿楹問作序從教乞皇甫

送王霞九前輩

贈芳

世守曹州

廬陵先生學者流鸞臺夕拜神峯道金錯蟬冕肅綱紀
一麾乃作東諸侯臨別索贈言前席願借籌三腹自古
號難治懷甄齊俗今爲尤國僑爲政烈如火聖稱其惠
疇思謳君不見唐虞中天際極盛尙逐苗歡誅其堯先
生輔軒莅鄂州采風問俗遍訪求里間節孝窮冥搜貞
魂泣慰幽泉幽

先生視學楚中勸舉節孝幾三萬人

近因豪強集南頓鷗

張臬視伏殷

去

憂疏陳侃侃拜

聞闔請解其黨殲其

萬方知仁勇二者必兼濟如器坏疑調剛柔况今朱輶
行按部肯使疎網逃吞舟人生離別豈足愁聚散略似
風中漚何時却從汜水游東萊渤海治非古還期報政
如營邱

四月九日偕樹齋編修約同人花之寺看海棠蓋

續江亭餞春之集也至則落紅委地簌簌如積
著樹者亦無復暈雪融霞之態矣同人拈韻予

與樹齋分得肉字會者朱椒堂京兆爲爾彭荆

田太守邦駿潘研輔解元德興周雪橋檢討仲

堀汪大竹比部全泰簡夢巖孝廉鈞培龔定盒

舍人

自珍

魏默深舍人

源

湯海秋儀部

鵬

陳登

之通守

延恩

潘星齋待詔

會瑩

紱庭典簿

會綬

未到者李方赤比部

璋煜

也

去年餞春城南亭旌幟驢壇盡名宿今年三度訪花之
十日海棠紅過屋風流裙屐復高會劇飲不用絲竹肉
錦江春色萬里來北地臘文失膏沐東風昨夜猛於虎
狼籍猩紅委溝瀆朝薰暮染得幾時勢閱繁華百年速
綠章恨不通明奏永護名花照金谷天公笑我未作達
世事榮枯等寒燠苔岑臭味永今夕舊雨却憶雲龍逐
松門桃嶺懷郭震

謂羽

鏡水稽山思杜牧

謂尺

虎頭邇

復綰半通踪跡天涯塊然獨

謂蘭塘二君皆與去歲餞春之集

花開花

落曾有數絕似聚散常倚伏眼前吸盡金叵羅莫對殘
紅掩愁目

題張蒙山守梅圖

歲月壺圍莫梅花鬥雪寒展君圖畫裏疑對故鄉看鶴
夢幾時醒冰魂此夜單青燈追往事巡徧曲闌干

看山圖爲簡夢巖孝廉

鈞培

但抱名山癖何須五嶽游君家任南海幾度訪羅浮與
窺方寸闢嶙峋萬古秋烟霞寄長嘯陋室亦丹邱

夢巖復以讀書圖屬題

未有詩千古胸無萬卷書
婢擷蘭苴賤注陋蟲魚寶
汗金壺滴仙名石室儲
羚羊與香象妙悟定何如

題金冬心農蕉林清暑圖爲簡夢巖孝廉

冬心作字追險絕骨爽稜稜劍鋒折
冬心作畫乃用柔
天苴環植清景幽數竿瘦竹出其上
似畏彈射甘低頭
想當下筆時意氣何張王
壬癸仙符佩不得貌此欲與
炎官抗却愁清風颯颯商氣來
一室神寒思挾纊方今
節序交朱明君胡觸熱天南行
浮瓜沉李此間樂清暑
況有銅盤冰葍羹鱸膾豈不雋
季鷹且待秋風生

題楊忠烈公遺像

三十五日三改元宮寢沟沟連朝端選侍倚寵乞皇后
天子服藥由中官攬衣尙欲奪寢閣垂簾豈欲居噦鸞
先生六日鬚髮白危疑乃定官府安茄花委鬼謠讖起
乾兒什伯聚貉獾煌煌二十四大罪抗疏不異丹書刊
天假權闢斷元氣忠臣軀肉焉得完正人趙左一網盡
東林餘旤衝狂湍我瞻公像肅然拜草堂正晝霜風寒
霓旌羽葆倏來下彷彿劍佩峩星冠太阿失柄弄椎斧
先生得不摧心肝烏乎先生得不摧心肝

周芸皋前輩爲高辛才大令作龍岡夜詣園攜至

京師屬題

圖中主人我未識作畫者誰周伯琦舊雨一別不相見
鹿門齊安魂夢之迴憶瀟湘動春酌梅花照徹黃金卮
使君酪酊接離倒大似山簡來習池一從駕馬向金闕
郵筒但讀蠶桑詩君守襄陽勸興蠶桑作詩記事側聞宦迹繼玉局赤
壁峭立仍雄奇惜不能元裳縞衣化孤鶴橫江千里一
聽銅琶詞傷心卷施草各萎靈護枝君歸富陽渚我返
章江湄搗來京華重握手絮語六載纏相思畫屏芍藥
爛如錦百醉婪尾君休辭借問燕臺舊游樂何如夜話
龍岡時

呂筠莊同年

延慶

宰秀水時重葺曝書亭繪圖

題卽送之官蜀中

不識由拳路披圖乃見之風流挹賢宰大雅信吾師
澈浦濤瀧闊汾湖烟雨奇無因泛醜舫憑弔醉金卮

憶昔屠維歲詞人掇大科華光承寵直履道有行窩齒

宿憐官屈名高召謗多古藤花下屋誰與續清歌

先生古藤

書屋在海渤寺街今爲粵東順德邑館矣

一權南湖去歌聲綠水中名山傳絕業老屋破秋風葛

曠何年暖黃灣此日紅不看圖畫裏彷彿舊時同

劍閣八千里風雲鳥道長雄關控荆楚殊俗富耕桑舊
政聽輿誦深情惜別觴浣花遺迹在一問碧雞坊

采蘭美人效齊梁體

春風舞嬌影朝霞明素姿留枕洛川曲解珮漢皋時
辭幽蘭襲珊珊迴步遲慎莫輕持贈同心知是誰

芍藥屏

有序

豐臺芍藥盛稱日下花時盈肩壓擔賣花聲徹
於衢巷類青蚨二三十可買十朵插之膽瓶頗
足風致余初爲屏風高六尺方空徑四寸許以
沙翼縛於背置空處注水其中一屏可插數百
枝雲蒸霞縹蔚爲大觀同人豔羨乃爲賦之

豔絕豐臺藥開時徧近坳剪裁分五色製作列雙屏形

露稜稜角工鏤曲曲櫺面花張綺幃背水注沙瓶低晃
琉璃影分排翡翠翎當風翻葉縹帶露拗枝青舒卷雲
霞室芳馨蘭芷庭綠沈籠旖旎碧慮簇瓏玲玉瑩論干
鼓金圍直萬釘燈前翹舞詫月下踏歌聽東第傳瓊宴
西園駐綵駢烹茶供顧渚漉酒瀉湘醺明月揚州路沈
香帝子亭幾叢傾嬾娜一椽倚娉婷設色誇圖畫餘春
門尹邢星幡三徑豎珍重護龍鈴

題東陽李仙圃丈園趣圖

三十六洞天金華乃其一縹緲天香臺藥苗長芝朮幽
人結茅住遺榮憩石室林園萃森爽洋洋樂衡泌草木

有餘清其人想高逸東華塵十丈圭組困要膝豈無蘭
成園烟蘿擺春月魂夢綠繞之何由挽巾櫛赤松峙峩
峩畫溪流汨汨舉裳願相從一訪長生訣

僧謹庵望雲圖

昌黎於靈暢驟欲加冠巾斂之名教中不啻援沈淪我
掉廣長舌說法震波旬儒名而墨行豈不乖天親釋名
而儒行豈不超文人自從釋教衰誘脅愚下民焚頂復
燒指毀體忘頓呻阿難攝蓮界惻惻同氣均豈有無生
法弗念生我恩孝哉打包僧愴然望白雲茫茫望不見
我欲占靈氛

送丁麗生同年 文劍 重宰長子

七載循聲卓重來竹馬迎官箴周太史

邑爲辛甲故封

經述漢

儒生夜雨親燈火秋風送旆旌催科兼撫字署考笑陽城

桐柏木桃歌爲周芸臯前輩作

昔年讀書笑漢武仙桃空食無仙緣座前忽覩海上種
令我眉舞神飛鸞先生爲我述異事此物不產瑤池邊
桐柏空山有古木非桐非柏中枵然雪色絕梯棧蒼岑
互鈎連堯時十日之日燎灼不得死其根槃薄鬱結疑
在洪荒前神呵鬼護不敢犯况許樵牧搜巖岬一朝疾

雷破山骨紫電歟燐金蛇穿土囊洩怒巨木拔孫枝拘
墮層厓巔香莊老人得此發狂喜能作桃實施鑿鑄遠
遺先生意轉轉木桃如歌衛風篇山精睽賜遠逃避香
氣郁烈纏龍涎紫霄翠微矣兀忽在眼想見神物棲連
蜷君今鼓棹涖閩越幔亭仙迹猶流傳虹橋片板絕壁
倘飛下我欲乘之浮海如乘蓮誓當擷取玉盤實與君
飽啖凌飛仙糜壽奚止三千年

陸二立夫秋日雨後招同人集龍樹院登看山樓
積霧涼風一掃開西山飛翠入城來僧依初地闢高閣
客愛狂歌倒濁醅絕塞征鴻渺江海夕陽歸燕幾樓臺

他時誰了官家事，莫負當筵竹葉杯。

秋陰

漠漠秋陰重，冥冥雨勢傾。
山容渾入定，木葉落無聲。
野闊盤雅亂，烟深宿鷺明。
平疇禾黍徧，三輔望西成。

秋花

天氣日蕭颯，微波瑟瑟空。
秋花搖落盡，只自怨西風。

謝春農兄餉深州桃

浮瓜沈李南皮遊，天地颯爽迴清秋。
深州蜜桃始得食，仙漿三日齒頰留。
蓬萊海闊波浪深，崑崙山高雲霧蒸。
東方西母復安在，古來神仙多杳冥。
都人雋味誇董墓。

董四墓桃
都門最重
對此將母尹邢妬作詩漫報瓊瑤篇學道還

生棗梨樹

宋司馬溫公石刻深衣小像

公自題云黃面霜鬢細瘦身從來未識漫

相親居然不肯市朝住骨相天生林野人明馬
銜跋像蓋摹家廟儀形逼真嘉靖己丑南陽令
鍾恕鑄此石後地震舊石覆
沒新刻獲於瑤臺山道院云

赫赫司馬公遺像刻石碣儀形摹家廟細瘦肖毛髮地

軸頽瑤臺鼈負不敢汨深衣想屈洛陂澤分長沒熙豐

競新法王呂互齟齬但虞立赤幟遑恤袞職闕行吟獨

樂園花竹倚疎越

澆花亭種竹齋見公記

誰知林野心沈憂痛至

骨祠公繪公像昭然揭日月斯石磨不磷冠裳肅瞻謁

何當拜涑水溪毛薦秘辭惇布爾何人黨碑豎突兀

夜雨和吳二菊湖

家懋

同年

九月雷尙壯三更雨未闌吟君蕭寺句如聽雍門彈鄉

夢清砧苦邊愁畫角寒連朝羽書急西望路漫漫

時布魯特

浩漢安集延人寇報至

陶蒙生孝廉

紹泉

遺挂

吁嗟陶季直弱冠掇華譽十八蜚鬢序二十登賢書二
十二遭疾奄忽歸黃墟白髮哭者誰大母聲烏烏爾親
強慰母暗淚霑裳襦閨中婦紅顏結襦半載餘痛思腹
中娘不敢隕其軀人生瘡有此昊天庸可呼玉樹埋土

中行路爲歎吁從來天道邇剝復理不誣彌月誕佳兒
佳氣卜充閭慰極翻復痛墮地憐兒孤孤兒會拜父母
存父則徂蕭蕭八空堂遺挂清而癯我歌不能長我淚
如連珠

題臺花園

有序

沈聽篁前輩

鏤彪

嘗客臺陽歲除四時之花齊

放其地氣暖也繪臺花園

糝盆分歲客重溟誰遣奇花開滿庭成佛生天須慧業
披圖如誦聖鬢經

仙人聞道住蓬瀛瑤草琪花種玉京且欲雲帆挂滄海

春風先到赤嵌城

臘八粥

浴佛筮靈辰嘉平逢勁臘雲堂魚粥香鐘魚延梵衲七
寶果餌投五味鹽壘雜風俗化梅檀歲時爭饋答朱門
膏澆粉豪家薪爨蠟方言辨醜醜行童挈樽榼滑膩羊
酪調葢馨鹿漿合濯嚙芳乳薦圍爐外戶闔是時長安
城冽冽寒飈颯天子振窮黎十廠五城匝將期果餽
餉奚止量圭合老懼杜回顛怯怖范睢拉饑聞泣衢路
飽乃濟饗沓餘歸飼雞狗鳴吠互嘖嚙空文靡德意局
外動優喑何如緇衣流一鉢踞禪榻乳輩配胡桃不夢

園蔬踏吾儕膺厚祿尺寸無獻納佳節啜羅闌咄嗟聚
朋盍辛苦盤中粒時平愧茸闕况今天山西緹衣擐鞋
鞞斧冰沙作糜苦霧嚴霜欲饒歌佇旋凱鐘鼓奏鏜鞳
更祝年豐和厭飫到茅蓋

題周小湖同年 作楫 評梅山館圖

高士例有梅花癖孤山山人品孤絕我生愛梅自笑癡
恨不健步移京師盆中鉄幹苦盤屈逸氣橫出形支離
照眼忽驚三萬樹別韻寒姿出毫素身在南臺左掖間
心飛斜嶺文江去斲冰爲菟玉爲骨譬我於梅子爲雪
玉妃新妝光照夜譬子於梅我爲月惜我不能一酬三

百鷓猶得淋漓潑墨寫古香橫枝吹簾弄新譜小橋流水哦昏黃絕代佳人憐綽約何時蠟屐秋屏閣客來爲問綺窓前守花獨有孤眠鶴

子夜四時歌

春歌

愁心不知春淚眼難爲花綠落空庭合蛛絲罥戶斜春風來萬里爾可度龍沙

夏歌

雪滿復調冰香襦紅玉色驕陽從東升丹葵窺景具爲君招涼風莫忘團扇力

秋歌

空階溥玉露夜半禮雙星
銀河如白水與君同死生
底事偷靈藥嫦娥甘薄情

冬歌

鵲爐香篆燼鷺屏夜色寒
錦衾空復爛濕淚紅闌干
玉臺塵不埽留君整髻鬟

祀竈曲

隗邪髻邪竈神名張邪蘇邪竈神姓低甄高額造軒光
五突三隅總司命東鄰祀黃羊黃金如斗家穰穰西鄰
卜鏡聽吉語私諧鏡神聖一家一竈竈一神于百萬億

神化身神之爵秩亦已薄乃得奏事登天門爛羊頭竈
下養不用功高封將相旤福惟神神聽聰觚前慎莫爲
人場

賓谷前輩屬題三老會圖

先生與曹儷笙相國盧南石師皆辛丑同年也

同官京朝
乃作此圖

庚年我登科後公四十載主師盧德州謬許霸文采太
傳誼桑梓衣鉢淵源在

房師王小華先生
辛未出太傅門下

如雲冠蓋長

安中獨恨不識會南豐春江萬里春波綠送我題襟館
中宿爾來歌嘯黃金臺俊句各章許追逐中朝舊輩今
無多庚辛迢迢廿二科杖國三人兩黃閣青春白髮相

婆娑豫章豈散材平津重上客
諷公櫛液句世乃爲公
惜人生何必皆三公但祝大名齊岱嵩
后夔典樂啟詩教皋颺禹拜將毋同
况公黔粵秉旄節金筑羊城靖氛孽
老歸朝右主壇坫人仰龍門振嶠薛
政恐去作西溪漁先生有西溪漁隱圖
回瞻魁下台星孤香山洛社各千古
此會自是人間無辦香我下盱江拜
誰續居仁宗派圖

潘四農解元

德輿

烟雨課耕圖

達人未逢時屏跡寄芄野
方其事躬耕憂樂繫天下
弓招際良會君豈歸農者
我請以農喻廬井畫區夏
嘉生衛種稔非種斥土苴
蝨蠚炎火攻畎澮冷風灑
暑寒泯

咨怨琴瑟期方社溫飽匪一身庶以酌豐寡君文如采
菽中心久藏寫鑑基時有待豈遂犁耨把我方偷太倉
未得庇廣厦饗殮愧農圃對食顏如赭庶幾成功退棲
遲引箕瓦衡門烟雨中物外浮榮舍君歌我亦謠年豐
聽幽雅

沈元勳續風樹圖

瞻彼曠野悲風颼颼行彼中庭心焉悵悵解一蕭條何聲
聲在樹間朝大樹之摧殘兮夕棘人之樂樂兮解二逝水
無回波枯木無重華風不息兮枯易折痛生我兮淚如
血解三生我生我不匱惟孝兮生我生我罔極曷報兮解四

一園再園雪涕浪浪宰如舉如霜露悽愴叶嗟有祿而
養不逮兮疇乃生乎空桑五解

送吳二菊湖同年家懋之官桂林

拔地奇峯一千尺瑤簪玉筍撐空碧桂林之山天下無
恨我不作灘江客西風吹雁過洞庭送君却向灘江行
明月萬古照離別桑乾水咽流無聲君官赤緊才名播
坐嘯東平收最課竭來同客黃金臺落日弔古心銜哀
郭隗地下骨已朽樂毅劇辛安在哉時平捧檄爲君喜
灌水禺山越千里馬王臺訾家洲邱壑窈窕林園幽知
君回首碣石館相思不盡灘江流

贈陸祁孫即題其宣南話舊圖

軒蓋滿長安過客若流電朝露與浮雲閱世亦屢變誰
言河朔飲復齒南皮讌屠沽今無人悲風激如箭矯矯
雲間陸聞名各鄉縣生平薄圭組猶有緹袍戀瀟瀟風
雨晨懷舊擁書倦看君頭已白早晚駕星傳離合苦無
端况乃舊賓彥且歌伐木篇共讀夷吾傳

辛卯六月辛巳朔舉一子越九日庚寅復舉一子

喜而有作

我有兩兒如我長史漢六經粗解讀啼聲忽復試英物
似剖荆山得雙珥阿翁官翰林文明謝鷺鷥行將入西

臺豸冠高嶽嶽抱關擊柝稱職良亦難况乃紆紳領曹
局我不願兒富有三官錢我不願兒貴爲八州督一經
傳家要有人豈必雄飛勝雌伏不見顏含庾袞內行敦
竹簡雖蝨名常存不見王家好兄弟玳瑁琪珪才濟濟
鶴原我抱痛西堂颯悲風新枝四出茁連理常棣宵雅
歌三終清德我慙太邱長但願門內孝友交雍容它年
倘讀孔管傳爲問萬古誰真龍

張六亭甫以石畫留人洪橋送別二圖索題蓋亨

甫自閩入都同人繪贈之作也爲賦二律

萬古銷魂事况君辭故鄉寒梅香似海忍使盡離觴清

夢蓮花寺新愁荔水莊相逢還一笑畫意蒼茫
聞說洪橋水螺江不盡流寒雲黯天地有客獨登舟詩
格隨年老才人自古愁何時遊汗漫與爾挹浮邱

題黃仲才

人儻

負米圖

黃君古之人養親善養志啜菽期盡歡鼎鐘乃餘事朝
爲負米出莫爲負米歸不辭兒力瘁但願親心怡筆耕
不易飽足繭荒山道不惜兒力微但懼親年老虞淵不
東燭江水無西流區區負米心罔極恩難酬

俞松石儀部

樹風

蕉窓聽雨晷

清景蕉窓迥幽懷寄寂寥無端燈火夜都入夢魂遙離

別九江水功名萬里橋何因覓歸樵一聽雨瀟瀟

自題憶壺園圖

朔雪向南去鄉心與之飛三年別故園清夢何時歸往
歲客洪都築室東湖曲驅馬從北征湖山蕩空綠洛塵
衣上緇湖山畫中好今年霽潦降江鄉蕩如埽我田亦
已沒我垣亦已積登高望東南十萬青燐哀霜寒且酷
酒出戶天垂斗披圖聊卧遊烟霞滿窓牖南浦舊停舟
章江入夢流何時闕三徑真隱招羊求

送陸祁孫之官貴溪

詩人與循吏爲道一以貫苟無真性情汲深纒懼斷我

友雲間陸稜稜有風岸才高艱一第珠玉灑詞翰長歌
憂金石高談抉雲漢肝膽鬱輪困然諾重閭閻十年餐
首蓂印綬一朝煥貴溪古餘干民風積頑悍壽張弄刀
筆往往裂眦盱猜嫌起小忿縲綬繫狴犴此豈武健吏
能以桁楊鍛古者折獄才惟良片言斷溫溫忠信格岌
岌利害判庶幾歌衆母如翼卵不暇我讀行露詩掩卷
有餘歎相期惠政成雷游隨風渙素華臨高臺仙巖累
層觀悠然訟庭暇及爾遊泮奐京華與君遇相顧一笑
粲離恨豈不深風雲有聚散

題葛四蓬山

景萊

蕉夢圖

幽夢落何許碧陰深復深孤燈搖瘦影涼雨滴秋心
巖月自昏旦烟雲成古今緣天真可訪一奏步虛吟

題畫三首

秦岱一拳碧飛落生綃中何當觸膚寸噓氣隨飛龍

石驚鷗起長安高吟寄寥廓絳雪滿空山何處尋孤鶴

紅吹夢落瑤臺呼魂揖湘客凌波不染塵誰語金華伯

送鄭夢白祖琛廉訪之官閩中

阜鷗風起送離旌犀帶金章出帝京千里路遙除夢

近雨朝恩重覺身輕尊空北海頻延客牘判南山只

稱情我爲螺江吏民賀繡衣風雅舊儒生

消寒五集詠浮圓子

急景送凋年辛盤雜歲首祓邪蓬餌設兼味菜羹糝銀
椹膠餉黏花糕玉梁滲傳柑會良夜湯餅出泔滌烝屑
糝輕塵搓酥濯素手勻圓爭巧製甘白信可受上以佐
祠祫下乃饋親偶三吳節物重醅酢酌醺酒去年苦滯
潦菑穢積壇畝饑蛟厭枯骼人命賤芻狗充腸餒藜菽
遑問糈與糗我愧太倉粟素餐糜秉斂但願乞壺漿屢
豐歲占酉佳辰集寶彥數典傾翰藪一笑玉局翁惟愁
誤半九

蠶棋蠶詩船席上賦

秋風憶蓴鱸歸夢越千里嘉招值歲莫鄉味列盈几生
平讀爾雅常笑蔡謨鄙蝟蟬生么膺縱橫穴沙沚伊誰
期食譜微命寄刀七剔香麝因臍焚身象有齒膏煎金
自鑠物理乃若此朔風來蕭條圍鱸味蓄旨苦語挾空
螯孟郊毋乃似長鯨倘可掣碧海迴瀾紫

香界寺

日出朝霧寒白雲在衣袂霜楓間新黃薜蘿有餘翠金
元成代謝選勝企初地翳昔翠華游璀璨雲霞麗千
春宸灑翰龍蛇煥梁欂遺澤浹寰區山僧尙流涕
客來方九月烟嵐雜陰霽空中聞驚濤蒼松挺孤勢不

見海岫師空勞諷千偈

東海有瘦鶴行贈侯三同年

登岸

歸山左

東海有瘦鶴，亂毳鍛毛羽。稟陽養金氣，與俗殊。印俯獨
抱萬里心，顧影不成舞。廣成久得道，崆峒在何處。九臯
聞清響，明珠復誰吐。世無浮邱伯，寥泬僦烟嶼。

馮吾園前輩

芝

以詩枉題拙集奉酬

八代挽狂瀾，韓潮北溟闊。歐公振五季，茁軋頽風遏。從
來盛衰際，豪傑力旋斡。我朝盛詩教，諸老競天拔。新
城體典雅，宣城性忡怛。江左及嶺南，軒鈴互譁。轉兀兀
秀水翁，寒烟叫蒼鴉。杜陵號詩史，千古受爨。栝圓石表

詩人摩壘執鞍轡沿迴幾叶百載錢張亦閔達紛拏葉
牙迸蕪穢雜叢芟浮漂託性靈險詖駭聒聒聲纖爭窾
蚓腹瓠誇祭獺菑敷方春陽本實乃先撥遷流變加厲
風雅日雍闕皦生守庭誥曠望寸心括前瞻懼無鄰後
顧情莫掇天衢開蕩蕩道闢始祖軼河源積石導龍門
脫箭筈爲山廛夙願平地基簣撮被褐忍懷珠囊錐慙
穎脫鯨波忘沮洳登門荷濡沫干城倚吾黨赤幟信可
奪流泓別涇渭休戚合秦越世無韓歐陽望古若懸渴
白屋豈無人長歌詠狼跋

惆悵詞寄馬六少蘭

洲

嬋娟初二八窈窕八明光離宮三十六金釭飾洞房天
上春風早敢倚花顏好抱此冰玉心深恩冀長保行雲
易翻覆古井生波瀾妾命絀扇薄君恩天地寬太液墜
芙蓉龍池隕楊柳鏡裏舊朱顏燈前成白首白首閉長
門傷心掩淚痕不知孤月影惆悵幾黃昏

送鄭雲麓開禧觀察粵東

我友張幾仲

謂亭甫

才名海嶠知生平故人誼獨數鄭當

時自抱爨桐貧逢君贈編遲采芳華沉澧求味辨灑淄
木落井陘渡霜高督亢陂當門嘶白馬過嶺卷朱旗風
紀新持節冰衡舊典司金臺回望處落日總相思